

大寶積經

籍

第九十

八十一  
始十

47598



元祿九年丙子二月日重脩

皇圖鞏固 帝衢綴昌

佛日增輝 懋輪常轉

山城州天安寺法金剛院置

Handwritten text on the right margin, including the characters '山' and '城'.



大寶積經卷第九十

始

大唐三藏菩提流志奉

詔譯

優波離會第二十四



如是我聞一時佛在舍衛國祇樹給孤獨園  
與大比丘眾千二百五十人俱菩薩摩訶薩  
五十萬人尔時世尊如龍象主顧視觀察告  
諸菩薩摩訶薩言善男子汝等誰能於後末  
世護持正法攝受如來百千萬億那由他阿  
僧祇劫所集阿耨多羅三藐三菩提法安住秘  
密種種方便成熟眾生尔時弥勒菩薩即從座  
起偏袒右肩右膝著地合掌白言世尊我能  
堪任於後世時護持如來百千萬億那由他



阿僧祇劫所集阿耨多羅三藐三菩提法師  
子慧菩薩曰我能堪任安住祕密種種方便  
成熟衆生無盡意菩薩曰我能堪任以廣大願  
度脫無盡諸衆生界跋陀羅菩薩曰我能堪  
任令諸衆生得聞我名皆悉成熟無空過者  
妙德菩薩曰我能堪任於諸衆生隨所願求  
悉令滿足無畏菩薩曰我能堪任攝受無邊  
世界衆生而作饒益金剛菩薩曰我能堪任  
於惡趣中度諸衆生令得解脫除障菩薩曰  
我能堪忍解脫衆生煩惱繫縛智幢菩薩曰  
我能堪任滅除衆生無明闇蔽法幢菩薩曰  
我能堪忍常行法施度脫衆生日幢菩薩曰



我能堪任恒以安樂成熟衆生月幢菩薩曰  
我能堪忍以諸功德成熟衆生善眼菩薩曰  
我能堪任與諸衆生自性安樂觀自在菩薩  
曰我能堪任於諸惡趣拔濟衆生得大勢菩  
薩曰我能堪任度諸惡趣未度衆生普賢菩  
薩曰我能堪忍今諸衆生憶念過去經歷受  
苦便得解脫善數菩薩曰我能堪任調伏一  
切難調衆生妙意菩薩曰我能堪任樂小法  
者度今成熟善順菩薩曰我能堪任成熟下  
劣少智衆生光積菩薩曰我能堪任拔濟墮  
於畜生趣者今得解脫不思議菩薩曰我能  
堪任愍念成熟餓鬼衆生今得解脫大威力

菩薩曰我能堪任為諸眾生開惡趣門無諍  
論菩薩曰我能堪任為諸眾生示解脫道賢  
吉祥菩薩曰我能堪任究竟斷除眾生苦惱  
月光菩薩曰我能堪任與諸眾生畢竟安樂  
日光菩薩曰我能堪任於諸眾生未純熟者  
今得成熟無垢菩薩曰我能堪任今諸眾生  
所有志樂皆得圓滿斷疑菩薩曰我能堪任  
度脫一切下劣眾生無畏菩薩曰我能堪任  
攝受眾生稱讚利益慧勝菩薩曰我能堪任  
隨順種種勝解眾生皆得成熟光明菩薩曰  
我能堪任恒以正勤拔濟眾生無量菩薩曰  
我能堪任為諸眾生於一切法示無為道無



畏菩薩曰我能堪任隨諸眾生種種志樂皆  
能示現寶勝菩薩曰我能堪任示諸眾生妙  
珍寶聚妙慧菩薩曰我能堪任今諸眾生見  
者歡喜皆得成熟寶藏菩薩曰我能堪任度  
脫眾生離諸障礙寶賢菩薩曰我能堪任今  
諸眾生自識宿命皆得成就寶手菩薩曰我  
能堪任以諸珍寶惠施眾生今得安樂勝意  
菩薩曰我能堪任令諸眾生永離貧窮喜見  
菩薩曰我能堪任施諸眾生一切樂具金剛菩  
薩曰我能堪任為諸眾生開示正道福相菩  
薩曰我能堪任悅可眾心今得度脫法超菩  
薩曰我能堪任淨除眾垢而演說法無垢菩

薩曰我能堪任愛護衆生悉令成熟法現菩  
薩曰我能堪任常以正法度脫衆生空寂菩  
薩曰我能堪任令諸衆生滅煩惱毒月勝菩  
薩曰我能堪任爲諸衆生示法方所師子意  
菩薩曰我能堪任常以法施利益衆生童子  
光菩薩曰我能堪任從卑下處拔出衆生覺  
吉祥菩薩曰我能堪任開示正道閉惡趣門  
金光菩薩曰我能堪任示現身相成熟衆生  
吉祥菩薩曰我能堪任與諸衆生常作利益  
持世菩薩曰我能堪任爲諸衆生閉地獄門  
甘露菩薩曰我能堪任令諸衆生越度生死  
網明童子曰我能堪任於後末世爲諸衆生



示現光明滅除煩惱今時舍利弗聞諸菩薩  
作如是等勇猛弘誓成熟衆生歎未曾有白  
佛言希有世尊此諸菩薩摩訶薩不可思議  
具足大悲方便善巧勇猛精進而自莊嚴一  
切衆生無能測量不可沮壞所有光明無能  
障蔽世尊我當稱讚是諸菩薩未曾有事所  
謂堪任有來求索頭目耳鼻身體手足一切  
諸物無所吝惜世尊我常思惟若有人能逼  
迫如是諸菩薩等從其求索若內若外一切  
財物心無怯弱當知皆是不可思議解脫菩  
薩佛言舍利弗如是如是如汝所言是諸菩  
薩智慧方便三昧境界一切聲聞及辟支佛

所不能知舍利弗此諸菩薩摩訶薩能現諸  
佛神通變化滿足衆生諸所欲樂而於諸法  
心無所動若有衆生樂爲居士憍慢放逸菩  
薩卽時爲成熟故現大居士威德之身而爲  
說法若有衆生恃大勢力而自憍慢菩薩卽  
時爲調伏故現那羅延大力之身而爲說法  
若有衆生志求涅槃菩薩卽時爲度脫故現  
聲聞身而爲說法若有衆生樂觀緣起菩薩  
卽時爲度脫故現緣覺身而爲說法若有衆  
生志求菩提菩薩卽時爲度脫故卽現佛身  
卽入佛智如是舍利弗是諸菩薩種種方便  
成就衆生悉令安住於佛法中所以者何唯



有如來智慧解脫究竟涅槃更無餘乘而得  
度脫以是義故名爲如來如來如實覺了如  
故故名如來知諸衆生種種欲樂悉能示現  
故名如來成就一切善法根本斷於一切不  
善根本故名如來能示衆生解脫之道故名  
如來能令衆生遠離邪道住於正道故名如  
來演說諸法真實空義故名如來舍利弗菩  
薩如是知諸衆生種種志樂隨應說法今得  
解脫爲諸愚夫開示實智不動法界能現種  
種幻化莊嚴今諸衆生次第當得趣涅槃岸  
復次舍利弗在家菩薩住於慈愍不惱害心  
應修二施何者爲二一者法施二者財施出

家菩薩應修四施何等爲四一者筆施二者  
墨施三者經本施四者說法施無生法忍菩  
薩應住三施何等爲三所謂王位布施妻子  
布施頭目支分悉皆布施如是施者名爲大  
施名極妙施舍利弗白佛言世尊是諸菩薩  
於貪瞋癡不怖畏耶佛言舍利弗一切菩薩  
有二犯戒何等爲二一者瞋相應犯二者癡  
相應犯如是二犯名大破戒舍利弗因貪犯  
者爲過微細難可捨離因瞋犯者爲過麁重  
易可捨離因癡犯者爲過深重復難捨離所  
以者何貪結能爲諸有種子生死蔓莖連持  
不絕以是義故微細難斷因瞋犯者墮於惡



趣可速除斷因癡犯者當墮八種大地獄中  
難可解脫復次舍利弗若有菩薩犯波羅夷  
者應對清淨十比丘前以質直心殷重懺悔  
犯僧殘者對五淨僧殷重懺悔若為女人染  
心所觸及因相願而生愛著應對一二清淨  
僧前殷重懺悔舍利弗若諸菩薩成就五無  
間罪犯波羅夷或犯僧殘戒犯塔犯僧及犯  
餘罪菩薩應當於三十五佛前晝夜獨處殷重  
懺悔應自稱云我某甲歸依佛歸依法歸依僧  
南無釋迦牟尼佛  
南無寶光佛  
南無精進軍佛  
南無金剛不壞佛  
南無龍尊王佛  
南無精進喜佛

南無寶炎佛

南無寶月光佛

南無不空見佛

南無寶月佛

南無無垢佛

南無離垢佛

南無勇施佛

南無清淨佛

南無清淨施佛

南無娑留那佛

南無水天佛

南無堅德佛

南無栴檀功德佛

南無無量掬光佛

南無光德佛

南無無憂德佛

南無那羅延佛

南無功德花佛

南無蓮花光遊戲神通佛

南無財功德佛

南無德念佛

南無善名稱功德佛

南無紅炎幢王佛



南無善遊步功德佛

南無鬪戰勝佛

南無善遊步佛

南無周匝莊嚴功德佛

南無寶花遊步佛

南無寶蓮花善住娑羅樹王佛

如是等一切世界諸佛世尊常住在世是諸世尊當慈念我若我此生若我前生從無始

生死以來所作眾罪若自作若教他作見作隨喜若塔若僧若四方僧物若自取若教他取見取隨喜五無間罪若自作若教他作見作隨喜十不善道若自作若教他作見作隨喜所作罪障或有覆藏或不覆藏應墮地獄餓鬼畜生諸餘惡趣邊地下賤及蔑戾車如

是等處所作罪障今皆懺悔今諸佛世尊當  
證知我當憶念我我復於諸佛世尊前作如是  
言若我此生若於餘生曾行布施或守淨戒  
乃至施與畜生一搏之食或修淨行所有善  
根成就衆生所有善根修行菩提所有善根  
及無上智所有善根一切合集校計籌量皆  
悉迴向阿耨多羅三藐三菩提如過去未來  
現在諸佛所作迴向我亦如是迴向  
衆罪皆懺悔 諸福盡隨喜 及請佛功德  
願成無上智 去來現在佛 於衆生最勝  
無量功德海 我今歸命禮  
如是舍利弗菩薩應當一心觀此三十五佛



而為上首復應頂禮一切如來應作如是清  
淨懺悔菩薩若能滅除此罪亦時諸佛即現  
其身為度一切諸眾生故示現如是種種之  
相而於法界亦無所動隨諸眾生種種樂欲  
悉令圓滿皆得解脫復次舍利弗菩薩若入  
大悲三昧則能示現地獄畜生閻魔羅界成  
熟眾生菩薩若入大莊嚴三昧則能示現長  
者之身成熟眾生若入殊勝三昧則能示現  
轉輪王身成熟眾生若入熾然威光三昧則  
能示現帝釋梵王殊妙色身成熟眾生菩薩  
若入一向三昧則能示現聲聞之身成熟眾  
生菩薩若入清淨三昧則能示現辟支佛身

成熟衆生菩薩若入寂靜三昧則能示現諸  
佛色身成熟衆生菩薩如是入一切法自在  
三昧隨其志樂現種種身成熟衆生或現帝  
釋身或現梵王身或現轉輪聖王身皆爲成  
熟諸衆生故而於法界亦無所動何以故菩  
薩雖復隨順衆生種種示現不見身相衆生  
相無所得故舍利弗於意云何如師子王大  
哮吼時諸小野干能堪任不舍利弗言不也  
世尊又舍利弗如大香象其所負重驢堪任  
不不也世尊又如帝釋及梵天王威德自在  
貧賤之人能堪任不不也世尊又如大力金  
翅鳥王翱翔運動諸餘小鳥能堪任不不也



世尊佛言舍利弗是諸菩薩所有善根勇猛  
之力依出離智淨諸罪垢遠離憂悔得見諸  
佛及得三昧亦復如是如斯罪障非諸凡夫  
聲聞緣覺所能除滅菩薩若能稱彼佛名晝  
夜常行是三種法能滅諸罪遠離憂悔得諸  
三昧尔時優波離從禪定起往詣佛所頂禮  
佛足右遶三匝却住一面白佛言世尊我於  
靜處獨坐思惟作如是念世尊所說波羅提  
木叉清淨戒學為聲聞緣覺菩薩乘者作是  
說言寧捨身命終不捨戒世尊若佛在世  
若滅度後云何名為聲聞緣覺波羅提木叉  
云何名為菩薩乘者波羅提木叉世尊說我

於持律中最為第一我當云何能了毗尼善巧之義若我從佛親聞受持逮無所畏然後乃能為他廣說今此大眾諸來菩薩及比丘僧悉皆集會善哉世尊唯願廣說決定毗尼斷除疑悔尔時世尊告優波離汝今當知聲聞菩薩學清淨戒所發心所修行異優波離

有聲聞乘持清淨戒於菩薩乘名大破戒於菩薩乘持清淨戒於聲聞乘名大破戒云何名為聲聞乘人雖持淨戒於菩薩乘名大破戒優波離聲聞乘人乃至不應起於一念更受後身是名聲聞持清淨戒然於菩薩名大破戒云何菩薩持清淨戒於聲聞乘名大破



戒菩薩摩訶薩修行大乘能於無量阿僧祇劫堪忍受身不生獸患是名菩薩持清淨戒於聲聞乘名大破戒以是義故為菩薩乘說不盡護戒為聲聞乘說盡護戒為諸菩薩說開遮戒為諸聲聞說唯遮戒為菩薩乘說深心戒為聲聞乘說次第戒云何菩薩持不盡

史道妙捨

護戒聲聞乘者持盡護戒菩薩乘人雖持淨戒於諸衆生應當隨順聲聞乘人不應隨順是故菩薩持不盡護戒聲聞乘人持盡護戒云何名為菩薩持開遮戒聲聞乘人持唯遮戒若諸菩薩於大乘中發起修行日初分時有所犯戒於日中分不離一切智心如足菩

菩薩戒身不壞若日中分有所犯戒於日後分  
不離一切智心如是菩薩戒身不壞若日後  
分有所犯戒於夜初分不離一切智心如是  
菩薩戒身不壞若夜初分有所犯戒於夜中  
分不離一切智心如是菩薩戒身不壞若夜  
中分有所犯戒於夜後分不離一切智心如  
是菩薩戒身不壞若夜後分有所犯戒於日  
初分不離一切智心如是菩薩戒身不壞以  
是義故菩薩乘人持開遮戒設有所犯不應  
失念妄生憂悔自惱其心於聲聞乘有所犯  
者便為破壞聲聞淨戒何以故聲聞持戒斷  
除煩惱如救頭然所有志樂但求涅槃以是



義故名聲聞乘持唯遮戒復次優波離云何  
菩薩持深入戒聲聞乘人持次第戒菩薩乘  
人於恒沙劫受五欲樂遊戲自在未曾捨離  
菩提之心如是菩薩不名失戒所以者何菩  
薩善能守護安住菩提之心乃至夢中一切  
結使不爲其患而是菩薩所有煩惱漸漸當  
盡不應一生便盡諸結聲聞乘者成熟善根  
如救頭然乃至一念不喜受生以是義故大  
乘之人持深入戒說有開遮名不盡護聲聞  
乘人持次第戒名曰唯遮名爲盡護何以故  
優波離求大乘者於阿耨多羅三藐三菩提  
甚爲難得具大莊嚴乃能成就是故菩薩雖

於無量阿僧祇劫往來生死終不生於厭離  
之心以是義故如來觀察為大乘人不應一  
向說厭離法不應一向說於速證涅槃之法  
應當為說慈喜相應甚深微妙無染之法遠  
離憂悔無繫著法無障無礙性空之法菩薩  
聞已於生死中而無厭倦決定圓滿無上菩  
提今時優波離白佛言世尊若有菩薩貪心  
相應而犯於戒或有菩薩瞋心相應而犯於  
戒或有菩薩癡心相應而犯於戒世尊如是  
菩薩於三犯中何者為重今時世尊告優波  
離言若諸菩薩修行大乘如恒沙劫貪心相  
應而犯戒者其罪尚輕若一瞋心而犯於戒



其罪甚重何以故因貪犯戒攝受衆生因瞋  
犯戒棄捨衆生優波離所有諸結能攝衆生  
菩薩於此不應生畏所有諸結能捨衆生菩  
薩於此應生怖畏優波離如佛先說貪欲難  
捨爲過微細瞋恚易捨爲過麁重癡難捨離  
過復麁重優波離於煩惱中若難捨離小犯  
之罪是諸菩薩應當堪忍若易捨離大犯之  
罪如是煩惱乃至夢中不應忍受以是義故  
大乘之人因貪犯戒我說是人不能爲犯因  
瞋犯戒爲大犯戒名大過患名大墮落於佛  
法中是大留難優波離若諸菩薩於毗尼中  
無善方便貪相應犯便生怖畏瞋相應犯不

生怖畏若諸菩薩於毗尼中有善方便貪相  
應犯不生怖畏瞋相應犯生大怖畏尔時文  
殊師利法王子在大眾中白佛言世尊一切  
諸法畢竟毗尼何所調伏佛告文殊師利若  
諸凡夫了知諸法究竟毗尼如來終不說於  
調伏以不知故如來為令覺了諸法畢竟毗  
此日新捨  
尼漸次為說諸毗尼法尔時優波離白佛言  
世尊如來說此決定毗尼文殊師利於是法  
中未有所說善哉世尊願令文殊師利為少  
解說佛告文殊師利汝今當說究竟毗尼善  
巧之義是優波離願樂欲聞尔時文殊師利  
法王子語優波離言一切諸法畢竟寂滅心



寂滅故名究竟毗尼一切諸法我不可得無  
染著故名不悔毗尼一切諸法本性清淨無  
顛倒故名最勝毗尼一切諸法如如實際離  
諸見故名清淨毗尼一切諸法不來不去無  
分別故名不思議毗尼一切諸法無住無著  
念念滅故名淨諸趣毗尼一切諸法任虛空  
際離諸相故名自性遠離毗尼一切諸法無  
去來今不可得故名三世平等毗尼一切諸  
法不可安立心平等故名永斷疑惑毗尼優  
波離是為法界究竟毗尼諸佛世尊依此成  
道若善男子於是法中不善觀察則為遠離  
如來淨戒時優波離白佛言世尊文殊師利

所說諸法不可思議。尔時世尊告優波離言。文殊師利所說之法。依不可思議。無礙解脫。以是義故。凡所說法。離諸心相。謂心解脫。增上慢人。令得離於增上慢。故優波離白佛言。世尊。云何聲聞及菩薩乘。增上慢者。佛告優波離。若有比丘。作是思惟。我斷貪欲。名增上慢。我斷瞋恚。及以愚癡。名增上慢。貪欲法異。諸佛法異。名增上慢。瞋恚法異。諸佛法異。名增上慢。愚癡法異。諸佛法異。名增上慢。謂有所得名。增上慢。謂有所證。名增上慢。謂有解脫。名增上慢。見於諸法。空名增上慢。見於無相。名增上慢。見於無願。名增上慢。見於無生。名



增上慢見無所作名增上慢見有諸法名增  
上慢見法無常名增上慢謂諸法空何用修  
習名增上慢慢優波離是名聲聞乘人增上慢  
者云何名爲菩薩乘人增上慢者若諸菩薩  
作是思惟我當發心求一切智名增上慢我  
當修行六波羅蜜名增上慢唯依般若波羅  
蜜而得解脫更無餘法而得出離名增上慢  
此法甚深此非甚深名增上慢此法是淨此  
法非淨名增上慢此諸佛法此緣覺法此聲  
聞法名增上慢此法應作此不應作名增上  
慢此是深法此非深法名增上慢此是近法  
此非近法名增上慢此是正道此是邪道名

增上慢我於阿耨多羅三藐三菩提為疾得  
耶不疾得耶名增上慢一切諸法不可思議  
無能知者我能了知名增上慢乃至於不可  
思議阿耨多羅三藐三菩提而起思惟為大  
執著是名菩薩增上慢者亦時優波離白佛  
言世尊去何比丘離增上慢佛告優波離若

於一切不思議法無所執著是名究竟無增  
上慢亦時世尊欲重宣此義而說偈言

一切戲論從心起

不應分別法非法

如是目法不思議

彼人處世常安樂

凡夫迷惑隨心轉

多劫輪迴諸有中

若知法性皆無性

是名真實不思議



若有比丘念諸佛  
於佛妄生分別想  
若有思惟於空法  
但以文字說於空  
若有思惟寂靜法  
心行覺觀皆戲論  
一切諸法無思念  
若人愛樂觀察空  
法同草木無知覺  
衆生自性無所言  
如因日光眼能見  
若眼自能見色者

非善思惟非正念  
而此分別無直實  
如是凡夫住邪道  
文字與空何可得  
是心非有本無生  
無念名爲見諸法  
有心有念盡皆空  
於此無念勿生念  
若離於心不可得  
一切諸法皆如是  
夜則緣離無所覩  
何故待緣方能了

眼常因彼說光明  
當知見性依衆緣  
設有聞諸悅意聲  
推其去處不可得  
一切諸法但言言  
是聲無有法非法  
我爲世間歎布施  
無所說中而演說  
我常歎說持淨戒  
破戒之性猶虛空  
我說忍辱爲最勝  
實無少法可瞋者

能見種種青黃色  
是故知眼不能見  
聞已即滅而無任  
以分別故生聲想  
文字於中假安立  
凡愚不知妄生著  
而施根本不可得  
是故佛法不思議  
亦無衆生破戒者  
清淨持戒亦如是  
無見無生爲忍性  
由是說名殊勝忍



我說晝夜常精進  
雖經多劫勤修行  
禪定解脫及三昧  
法性本來無所動  
觀察覺了名智慧  
諸法自性無所有  
我常歎說修昔行  
能知諸法不可得  
我說地獄諸苦事  
無量衆生起厭心  
刀杖鉞稍衆苦具  
由分別故而見有

寤寐恒覺為無上  
然於所作無增減  
開示世間如實門  
隨順假說諸禪定  
了知諸法名智人  
亦無觀察了知者  
愛樂頭陀寂靜法  
是名清淨知足人  
死入大怖惡道中  
實無惡趣可來往  
亦無有能造作者  
無量楚毒迫其身

園林種種妙花數  
亦無有人能作者  
虛偽之法誑世間  
猶如分別諸幻焰  
我說發趣菩提心  
而實菩提不可得  
心性清淨常光明  
凡夫分別生貪著  
諸法自性常寂靜  
不見生會離欲處  
了知諸法如虛空  
其心未曾生染著  
於無數劫修衆行  
衆生自性不可得

宮殿衆寶相輝映  
皆從分別妄心生  
凡夫繫著生顛倒  
於此取捨悉皆空  
利益世間最殊勝  
亦無發趣菩提者  
真實無偽無塵染  
而彼煩惱本來空  
何有貪欲及瞋癡  
余乃名為得涅槃  
常處世間無所畏  
由是成就大菩提  
度脫無量諸衆生  
實無衆生可度者



於無數劫修衆行  
衆生自性不可得  
譬如世間大幻師  
還復害此諸化人  
一切衆生如幻化  
若知如是無邊性

了知諸法如實相  
於諸欲中實無染  
大悲利益諸衆生  
不見衆生而利益  
如以空拳誘小兒  
開手拳空無所見

度脫無量諸衆生  
實無衆生可度者  
化作無邊千億衆  
於此幻化無增損  
求其邊際不可得  
斯人處世無疲厭  
常行生死即涅槃  
調伏衆生言離欲  
而實無人無壽者  
當知此事甚為難  
示言有物今歡喜  
小兒於此復號啼

如是諸佛難思議  
了知法性無所有  
以大慈悲勸說言  
汝應出家捨恩愛  
既已出家勤修習  
復觀諸法如實相  
果無所有而得證  
快哉大悲人師子  
一切諸法如虛空  
或說名為禪解脫  
而此根力本無生  
無色無形不可取

善巧調伏衆生類  
假名安立示世間  
於我法中最安樂  
當得沙門殊勝果  
如所修行得涅槃  
實無諸果而可得  
於此方生希有心  
善說相應如實法  
安立百千名句義  
或名根力或菩提  
禪定菩提亦非有  
但以方便示衆生



我說修行有所證  
若謂於中有所得  
諸法自性無所有  
所說得證爲無得  
衆生得果名殊勝  
尚無衆生而可得  
譬如良田無種子  
如是衆生不可得  
一切衆生性寂滅  
若能了知如是法  
過去無數百千佛  
若此衆生真實有

當知遠離一切相  
是則非證沙門果  
當於何處言得證  
如是了知乃名得  
我說衆生本不生  
云何當有得果者  
於中終不有芽生  
當於何所而言證  
無有得其根本者  
斯人滅度永無餘  
無有態度衆生者  
畢竟無能得涅槃

一切諸法皆寂滅

未曾有法可生者

若能如是見諸法

彼人已出於三界

是則無礙佛菩提

於中究竟無所有

若能了知如是法

我說名為離欲人

爾時世尊說此偈已二百比丘增上慢者諸

漏永盡心得解脫六萬菩薩得無生忍爾時

優波離白佛言世尊當何名此經我等去何

奉持佛告優波離此經名為決定毗尼亦名

摧滅心識汝應受持佛說此經已尊者優波

離諸比丘眾文殊師利并諸菩薩摩訶薩及

一切世間天人阿脩羅等聞佛所說皆大歡

喜信受奉行



大寶積經卷第九十

始

蔓莖

上音

萬下

羊羨

反掬

音

彌戾車

中粟

帝

不篤

信佛

謂全

一搏

反下

徒官

金翅

下鳥

施智

反云

帝

朝翔

上音

高反

音

祥徊

飛

寤寐

上音

名也

反下

帝

鋒稍

上音

飛而

不動

音

翔

飛

寤寐

上音

名也

反下

帝

並槍

反下

音

期

拳

巨負

反

屈

二音

反誤

下

並槍

反下

音

期

拳

巨負

反

屈

二音

反誤

下

猪飼順良寄附

